



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Negotiationis
Spiritualis Industriis

Družbicki, Kaspar

Ingolstadii, 1732

VD18 90066367

Industria XII. Actiones nostræ sublimandæ in meritis Christi, &
pretiosissimæ Parentis Mariæ.

urn:nbn:de:hbz:466:1-45372

mm, confertam, & coagitatam, & superefflu-
entem.

Cum ergo talem habeamus solutorem labo-
rum nostrorum; quid mirum, si ille etiam vult,
nos tales esse laboratores, qui faciamus, opera
diena, opera perfecta, confirmata, cum usu-
& fœnore, ad mensam data, atque recepta, &
Domino tradita, afferentia fructum tricesimum,
exagesimum, centesimum. Hoc igitur agamus,
ires nostras metiamur & intelligamus, quas ex
Dei Gratia nobis communicata, ex quotidiano
 labore acquisivimus, atque ex earum mensura
 laborare, operarique satagamus.

104.

Caterūm uberiorem hujus Industriæ magis-
tue practicam explicationem à me nemo expe-
ctet; exemplis enim & praxibus hæc res decla-
tri non potest scriptis, sed factis. Faciamus
que actus strenuos, heroicos, viribus nostris
nam maximè proportionatos, & tunc, sine
magisterio clarissimè cognoscemus, hoc, quod
ad doceri à nobis non posse, libenter, quia
re, confitemur.

INDUSTRIA XII.

*Uttiones nostræ sublimandæ in meritis JESU
Christi & Pretiosissimæ Parentis
MARIÆ.*

¶ Atis constat inter Fideles, nihil Ecclesiam ha-
bere pretiosius, quo vel placere, vel deme-
tri, vel placare possit facilius Deum suum,
quam JESUM CHRISTUM, ejusque MA-
IREM dignissimam. Non est opus hoc loco

105.

G 2

à me

G. 31. 62
dicti
opere: 11.
TOM: I
N: V
46

à me recenser, quantos in Christo thesauros habeamus; quantam fiduciæ causam in Christi Matre; hæc tractare non est Instituti præsentis: supponimus hæc aut nota alias Lectori harum Industriarum, aut certè aliunde horum notitiam petendam. Hic tantum dicimus docemusque, singularem, commendatissimam, & usurpandam esse à Spiritualibus Mercatoribus hanc Industriam, ut quidquid tandem agant, quounque modo, & quavis potentia suâ, id totum JESU Christi Humanitati, conversationi, actionibus, meritis, gratiæ uniant, unitumque DEO offerant, vel certè manibus JESU Christi Humanitatis benedictum, sanguine respersum, meritis unitum, Gratia illustratum, actionibus Theandricis sigillatum, per easdem illas Christi manus, conspectui SS. Trinitatis præsentari petit.

106.

Huc facit illud, aliquibus & commendatum, & usitatum spiritualibus Hominibus, actiones nempe suas, immo & potentias, & denique toto se cum corpore & anima, JESU Christi vulneribus, nunc pedum, nunc manuum, nunc cordis seu lateris, immittere ac immergere: inibi se purificare tanquam immundissimos, calefacere tanquam frigidissimos, confortare tanquam debilissimos, dignificare tanquam vilissimos, se, inquam, & sua omnia, tam dicta, quam facta, quam cogitata, quam potentias istorum omnium causas. Ita Sanctum Franciscum legimus, solitum sibi factitare balneum, ex Christi Domini vulneribus, & in eo quotidie, tali S. Bonaventurâ, animam suam lavare. In quo SS. virum imitari, nescio quid nos prohibemus.

um Christus sit melior Jordanis, nos verò magis leprosi quam Naaman. Cùm Christus sit Petra foraminata, in quâ nos simplices columbas, ab unguibus infernalis herodii abscondi subterrânum est. Huic etiam vicina est illa consuetudo Sanctæ Virginis Gertrudis superius recensita, linguam suam locuturam, immergere solitæ in Christi sanguine. Quod idem nre à nobis per omnia opera, perque omnes potentias & particulas nostras fiat, sanè nihil prohibet, modò ne negligentia & dilatio prohibeat.

Huc quoque faceret, si quis id sibi familiare ficeret, opera omnia sua facta vel facienda, cordi Christi IESU (vel alicui vulneri) immittere, ac in eo velut in Alchimistico instrumento detinere atque sublimari cupere; sicque sublimata, & Theandrica quoddammodo effecta, per manus Christi, Sanctissimæ Trinitati offerre. Non poterunt non reddi opera nostra per illas manus secundissima, quia illæ sunt manus, inter quas, pauci pisculi, & quinque panos, in quinque hominum millia multiplicati sunt. Illæ sunt manus, quæ cùm aperiuntur, implent omne animal benedictione &c. Sic se suasque potentias & suas actiones Christo unire; hoc est illud quod Salvator desiderat: hoc, inquam, est in Christo manere, Christi palmitem esse, Christi membrum esse, de Christo vitam, robur, & spiritum haurire.

Hujus Industriæ, nusquam non potest (dicere debueram, non debet,) esse usus inter spirituales viros. Ac inter cætera opera, ac tempora, suaderem ut concessuri dormitum, lave-

107.

108.

G 3

mus

mus animas nostras, ab omni inquinamento delicti, in sanguinis & vulnerum Christi Domini balneo: suaderem ut omnia, quæ de manu domini accepimus, opera, potentias, substantiam totam nostram, seu nos ipsos, Deo restituamus semper, & in vulneribus Christi IESU conservandos deponamus: suaderem, ut omnia opera agenda, vel etiam acta, Christi sanguinem eritisque respergamus & ornamus, & cum talibus tantum divino in conspectu versari, eidemque morientes fisti laboraremus: hoc enim, puto, esset, lavisse stolam suam in Sanguine Agni.

109.

Plura de hac operum nostrorum cum Christi communione, deque modis & sublimitatibus, subtilitatibusque eam faciendi non adfero. Nec enim desunt alii, qui hæc tractarunt, & ex his quisque alios formabit ad gustum suum præxes. Hæc, quæ de Christo attuli, dicta volo & de Pretiosissimâ Parente Virgine MARIA: per cuius etiam merita ornari opera nostra, non absque ingenti fæcunditate possunt: possunt; immo debent, per ejus manus offerri Divina Majestati omnia. Majestas quippe illa gaudet, totum à nobis habere per Mariam, quæ etiam nihil nos habere voluit nisi per Mariam. Quidquid ergo offerre paramus, MARIAE commendamus, ne forte patiamur repulsam. Quam ob rem cùm alias semper omnes quoad fieri possint, actiones, Sanctissimæ Trinitati, permanens MARIAE offerendæ sunt; tum verò id suæ serm faciendum, statim ac surgimus, & cùm proxime dormituri sumus; Hoc vel simili modo.

Pretiosissima Parens mea MARIA, Tibi ego omnies actiones meas, totius hujus aut (vespere, di-

Bern.

noctis) mensis, anni, Vitæ meæ præteritæ, præsen-
tis & futuræ commendo, easque Tuis Sanctissimis
manibus & meritis, & Gratiis, & donis exornan-
das, atque Sanctissimæ Trinitatis conspectui pro me
offerendas committo: quatenus enim a me sunt, in-
dignissimæ ejus conspectu sunt &c.

Qui ipse actus una cum unione operum no-
strorum cum meritis Christi depositioneque eo-
rum in manus tam Christi, quam Pretiosissimæ
Parentis repeti & conjungi potest sæpius in die
prolibitu, hâc vel simili formulâ:

*In manus tuas Domine JESU, & in Tuas, Pre-
tiosissima Parens, commendo omnia opera mea: hoc
præsens opus meum; illudque utriusque vestrum ma-
nibus & toti in Mundo conversationi unio; ornan-
dumque, & Sanctissimæ Trinitati offerendum trado.
Vel hac aliâ:*

*Omnes actus meos mihi JESU in vitâ, vulneribus,
& corde Tuo depono; ut in eo detenti sublimentur,
& sic digne Sanctissimæ Trinitati, Tuis, & Pretiosis-
simæ Parentis manibus offerantur &c.*

INDUSTRIA XIII.

*Actiones nostræ possunt locupletari per Ap-
propriationem bonorum, præcipue Christi,
Beatae Virginis, & Sanctorum.*

Ita res sunt conditæ à Deo omnium autore, ut
inter eas sit connexio quædam atque commu-
nicatio, quin & indigentia sui mutua, adeò, ut
bonum unius, sit bonum omnium, & bonum
omnium sit bonum unius. sicut vice versâ malum
unius, omnium malum est, malum omnium, ma-
lum est unius: ut ex hoc discant homines, nul-
lam

110.